

Na osnovu člana 24. Zakona o slobodi pristupa informacijama na nivou institucija Bosne i Hercegovine ("Službeni glasnik BiH", broj 61/23) i člana 17. Zakona o Vijeću ministara Bosne i Hercegovine ("Službeni glasnik BiH", broj 30/03, 42/03, 81/06, 76/07, 81/07, 94/07 i 24/08), na prijedlog Ministarstva finansija i trezora Bosne i Hercegovine, Vijeće ministara Bosne i Hercegovine, na 58. sjednici održanoj 29.8.2024. godine, donijelo je

ODLUKU

O VISINI NAKNADE MATERIJALNIH TROŠKOVA U SKLADU SA ZAKONOM O SLOBODI PRISTUPA INFORMACIJAMA NA NIVOU INSTITUCIJA BOSNE I HERCEGOVINE

(Službeni glasnik BiH, broj 63/24)

Član 1.

(Visina troškova)

Ovom odlukom utvrđuje se visina naknade materijalnih troškova, u skladu sa Zakonom o slobodi pristupa informacijama na nivou institucija Bosne i Hercegovine, za fizičke i pravne osobe u iznosu od:

- a) 0,50 KM za svaku stranicu umnožavanja standardne veličine;
- b) 0,30 KM pretvaranje jedne stranice dokumenta iz fizičkog u elektronski oblik;
- c) 1,00 KM sa svaki CD;
- d) 2,00 KM za svaki DVD;
- e) 10,00 KM USB stick za elektronsku dokumentaciju;
- f) troškovi dostave informacije obračunavaju se prema važećem cjenovniku redovnih poštanskih usluga poštanskog operatera putem kojeg se dostavlja pošta.

Član 2.

(Obračun naknade materijalnih troškova)

- (1) Naknada materijalnih troškova iz člana 1. ove odluke uplaćuje se unaprijed.
- (2) Prvih 20 stranica za umnožavanje stranica i pretvaranje stranica iz fizičkog u elektronski oblik je besplatno, a svaka naredna stranica se naplaćuje u skladu sa članom 1. tač. a) i b) ove odluke.
- (3) Ukoliko se u skladu sa stavom (2) ovog člana dostavljaju informacije putem CD nosača podataka, DVD-a, USB-a naplaćuju se i materijalni troškovi iz člana 1. tač. c), d) i e) ove odluke.

(4) Materijalni troškovi iz člana 1. tač. f) se obračunavaju ukoliko je podnosilac zahtjeva naznačio dostavljanje informacije putem poštanskog operatera.

(5) Institucija Bosne i Hercegovine je dužna dostaviti podnosiocu zahtjeva obavijest o obračunu materijalnih troškovima iz člana 1. ove odluke, koje je potrebno uplatiti.

(6) Tražena informacija će biti dostavljena po primitku dokaza o izvršenoj uplati materijalnih troškova.

Član 3.

(Napлата troškova)

Naplata materijalnih troškova iz člana 1. ove odluke vrši se na Jedinostveni račun trezora Bosne i Hercegovine u skladu s Naredbom o uplatnim računima za administrativne takse i naknade Ministarstva finansija i trezora Bosne i Hercegovine.

Član 4.

(Prestanak važenja ranijih propisa)

Danom stupanja na snagu ove odluke prestaje da važi Odluka o troškovima umnožavanja traženih informacija u skladu sa Zakonom o slobodi pristupa informacijama u Bosni i Hercegovini ("Službeni glasnik BiH", br. 12/01 i 72/19).

Član 5.

(Stupanje na snagu)

Ova odluka stupa na snagu danom donošenja i objavljuje se u "Službenom glasniku BiH".

VM broj 162/24
29. augusta 2024. godine
Sarajevo

Predsjedavajuća
Vijeća ministara BiH
Borjana Krišto, s. r.